



Broj: 09/2-16-8-36807-14/24
Sarajevo, 18.11. 2024. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama BiH ("Službeni glasnik BiH", br. 39/14, 59/22 i 50/24), te prijedloga Komisije za javne nabavke utvrđenog u Zapisniku, broj: JN1-16-8-36807-12/24 od 28.11.2024. godine, u postupku nabavke usluga servisiranja i održavanja službenih vozila Ministarstva inostranih poslova BiH marke Volkswagen i Škoda u ovlaštenom servisu – LOT-1 i LOT-2, **donosim:**

ODLUKU
o izboru najpovoljnijeg ponuđača

Ponuđač „Porsche Inter Auto BH“ d.o.o. Sarajevo sa ponudama zaprimljenim kod ugovornog organa dana, 18.11.2024. godine pod brojem: 09/2-16-8-36807-5/24, proglašava se najpovoljnijim, te se imenovanom ponuđaču dodjeljuje ugovor za nabavku usluga servisiranja i održavanja službenih vozila Ministarstva inostranih poslova BiH marke Volkswagen i Škoda u ovlaštenom servisu – LOT-1 i LOT-2.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama ("Službeni glasnik BiH", br. 39/14 i 59/22).

Po pravosnažnosti ove odluke, ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak nabavke pokrenut je Odlukom o pokretanju postupka, broj: 09/2-16-8-36807-1/24 od 22.10.2024. godine, u kojoj je predviđeno da procijenjena vrijednost nabavke iznosi 10.000,00 KM bez PDV-a za LOT-1 i 4.000,00 KM bez PDV-a za LOT-2.

Obavještenje o nabavci broj: 253-1-1-34-3-61/24, objavljeno je na Portalu javnih nabavki dana, 28.10.2024. godine, kao i u „Službenom glasniku BiH“, broj: 73/24 od 01.11.2024. godine.

Nabavka je provedena putem otvorenog postupka i istom je predviđeno provođenje e-Aukcije.

Komisija je Zapisnikom o pregledu i ocijeni ponuda u postupku nabavke usluga servisiranja i održavanja službenih vozila Ministarstva inostranih poslova BiH marke Volkswagen i Škoda u ovlaštenom servisu – LOT-1 i LOT-2, broj: JN1-16-8-36807-12/24 od 28.11.2024. godine, konstatovala da su do roka prijema ponuda, 18.11.2024. godine, pristigle ponude samo jednog ponuđača:

1. „Porsche Inter Auto BH“ d.o.o. Sarajevo, dana 18.11.2024. godine u 08:50 časova, sa ukupnom cijenom ponude za LOT-1 u iznosu od 11.898,29 KM, odnosno u iznosu od 10.169,48 KM bez PDV-a, dok za LOT-2 ukupna cijena ponude je iznosila 3.599,08 KM, odnosno 3.076,14 KM bez PDV-a.

Nije bilo neblagovremeno pristiglih ponuda.

Analizom dokumentacije pristiglih ponuda, te suštinskom provjerom sadržaja i validnosti istih, Komisija je utvrdila da ponuda za LOT-1 premašuje procijenjenu vrijednost nabavke za 169,48 KM. Razmatrajući navedenu situaciju Komisija je odlučila da ponudu ponuđača „Porsche Inter Auto BH“ d.o.o. Sarajevo prihvati, s obzirom da je postupak pokrenut sa namjerom zaključivanja okvirnog sporazuma na dvije godine, gdje su prikazane okvirne količine predmetne nabavke koje po ispunjenju okvirnog sporazuma ne moraju biti potrošene, pa samim tim ni ukupna vrijednost ponude navedenog ponuđača.

Analizirajući dokumentaciju ponude pristigle za LOT-2, ista je ispunjava formalno-pravne, ekonomske i tehničke uslove tenderske dokumentacije, te je ista bila prihvatljiva i mogla biti predmet vrednovanja shodno kriterijima utvrđenim Obavještenjem o nabavci i tenderskom dokumentacijom.

Tačkom 3.6.1. tenderske dokumentacije propisani kriterij za dodjelu ugovora je bio „najniža cijena“.

Komisija je u skladu sa članom 7.5 tenderske dokumentacije, izvršila provjeru računске ispravnosti pristiglih ponuda i utvrdila da iste nemaju računskih grešaka.

S obzirom da su pristigle samo po jedna prihvatljiva ponuda za LOT-1 i LOT-2, Komisija je konstatovala da se u skladu sa članom 4. stav (2) Pravilnika o uslovima i načinu korištenja e-Aukcije („Službeni glasnik BiH“, broj: 80/23), ista nije mogla zakazati za navedene LOT-ove, iako je bila propisana tačkom 3.7.1. tenderske dokumentacije.

Na osnovu prethodnih konstatacija, a u skladu sa članom 64. stav (1) tačka b) i članom 65. Zakona o javnim nabavkama BiH, Komisija je jednoglasno dala preporuku da se Odluka o izboru najpovoljnijeg ponuđača za nabavku usluga servisiranja službenih vozila marke Volkswagen i Škoda u ovlaštenom servisu – LOT-1 i LOT-2 dodijeli ponuđaču „Porsche Inter Auto BH“ d.o.o. Sarajevo **sa ukupnom cijenom ponude u iznosu od 10.169,48 KM bez PDV-a za LOT-1 i 3.076,14 KM bez PDV-a za LOT-2.**

Cijeneći navedeno donesena je odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Kancelariji za razmatranje žalbi, najkasnije u roku od 10 (deset) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.

DOSTAVITI:

1. Ponuđaču,
2. Odsjeku za opšte poslove, arhiv i dokumentaciju i
3. Evidenciji a/a.



MINISTAR

Elmedin Konaković